

## Instrumentos de Avaliación

Para a cualificación do alumnado teránse en conta os seguintes indicadores:

### 1. Comportamento:

- Participación activa e comportamento axeitado na clase.
- Comportamento e actitude pola materia na aula.
- Organización e conclusión das tarefas.
- Responsabilidade, esforzo e interese.
- Puntualidade e asistencia regular a clase.
- Respecto e tolerancia nas relacións.
- Cumprimento das normas de convivencia.

### 2. Traballo diario e participación:

- A súa atención, interese ou esforzo que amosa durante as clases.
- Capacidade de traballo en grupo.
- Entrega dos materiais requiridos nos prazos fixados.
- Resumos apuntes, saídas da aula,...
- Realización de actividades do libro de texto e doutras propostas polo profesor ou departamento.
- Resolución de exercicios na clase ou fóra dela.
- Resolución de exercicios e cuestionarios na aula virtual.
- Realización e presentación de traballos, tanto opcionais como obrigatorios.
- Caderno do alumno.

### 3. Probas e controis:

- Realización de probas orais
- Realización de probas escritas: controis, exames, ...
- Realización de probas no ordenador
- Proba global da avaliación (1ª, 2ª, 3ª)

### 4. Traballos en equipos ou individuais

Os mínimos para avaliar estes traballos serán:

- O alumnado deberá presentar un traballo da extensión esixida, que trate sobre o tema solicitado e que resuma a información de, alomenos, tres fontes distintas.
- O alumnado manexará un vocabulario matemático básico. A redacción e a gramática esixidas no traballo serán as propias do curso correspondente de ESO. Para

calquera dúbida ou asesoramento, os profesores estarán sempre a disposición do alumnado.

- Limpeza: O alumnado presentará os traballos en folios brancos, escritos por unha única cara ausentes de manchas ou tachóns e correctamente encadernado, a poder ser, nun dossier de plástico.

### **Normas na realización de probas escritas:**

- O alumno terá que examinarse dos contidos traballados no período que abrangue a proba. Basearánse nos criterios de avaliación das unidades avaliadas, tendo como finalidade a consecución dos estándares de aprendizaxe relativos a elas.
- A duración destas probas será en xeral dunha sesión (50 minutos). Poderase ampliar por acordo entre alumnos e profesorado.
- En cada proba figurará a puntuación coa que se valora cada pregunta.
- **En 1º e 2º non está permitido o uso de calculadoras durante os exames.**
- A ausencia de **explicacións** na solución repercutirá negativamente na súa valoración, podendo chegar a ter unha puntuación de cero se só se aporta a solución numérica sen ningunha explicación (pasos intermedios). Reciprocamente, aínda que o resultado non sexa correcto, teranse en conta a presentación e desenvolvemento do problema.
- Tamén se valorará a orde, claridade, ortografía e limpeza coa que está realizado o exame, podendo restarse 1 punto como máximo por este concepto. (Cada falta de ortografía descontara 0.10 puntos ata un máximo de 1 punto)
- A cualificación da proba darase cun número entre 0 e 10, que poderá levar decimais.
- **O alumno que cometa un acto ilícito durante a realización dunha proba obterá un 0 en dita proba.**
- O alumnado poderá ve-lo exame corrixido e puntuado, en presenza do profesor na hora e día que este estableza.
- A incomparecencia non xustificada a un exame é motivo de suspenso no bloque avaliado. Pola contra, no caso de non poder asistir a un exame por un motivo xustifico (fixados na Comisión de Coordinación Pedagóxica), o profesor poderá establecer outra data para facelo, ou determinar unha cualificación en función dos datos que ten do alumno ata ese momento.

## Criterios de Cualificación

A normativa establece que os resultados das avaliacións do alumnado cualifícarase numéricamente, considerándose positiva as iguais ou superiores a cinco.

### 8.1.- Avaliacións

A nota de cada avaliación obterase coa seguinte media ponderada:

- **nota das probas e controis, 70%.**

- Faráanse tres probas por avaliación, con distintos pesos: a primeira proba terá un valor de 1/10 da nota, a segunda 3/10 e a terceira 6/10.
- Na terceira proba o alumnado examínase da TOTALIDADE dos contidos da avaliación a valorar.
- So se fará media cando a nota da 2ª e 3ª proba sexa de alomenos 3 puntos. Asimesmo, non se poderá ter un 0 en ningunha das tres probas.
- O alumnado que cometa un acto ilícito durante a realización dunha proba obterá un 0 na devandita proba.

- **notas do resto de conceptos avaliábeis** (comportamento, traballo diario e participación, libreta e aula virtual), **30%. (Non se poderá ter un 0 neste apartado)**

### 8.2.- Recuperación das avaliacións

Tras cada avaliación farase unha recuperación tendo en conta que a nota máxima que se poñerá será dun 7.

### 8.3.- Convocatoria ordinaria de xuño

Para aprobar a materia ao final do curso debe obter unha nota media superior ou igual a 5.

No caso de ter tódalas avaliacións superadas ou recuperadas, a cualificación final de xuño obterase facendo a súa media aritmética.

No caso de ter **só unha avaliación suspensa e cun mínimo dun 3**, fará o exame de recuperación de xuño correspondente a dita avaliación. Coa nota obtida faráselle media coas outras dúas avaliacións, tendo que obter como mínimo un 5 para aprobar a materia.

Con **dúas ou máis avaliacións suspensas** non se lle fará media, obtendo unha cualificación negativa na materia e tendo que ir a ao exame final de curso ou a setembro.

### 8.4.- Convocatoria extraordinaria de setembro

O alumno terá que examinarse dos contidos traballados no curso.

Para acadar unha avaliación positiva na proba extraordinaria de Setembro, o alumno deberá obter nela unha cualificación igual ou superior a 5.